



Inatsisartunut ilaasortaq Hans Enoksen, Siumut  
/Maani

**Sinerissamut qanittumi qalerallinniarnermi pisassiissutit  
tuniniarneqarsinnaasut nammineq pigisat atorneqalernerisa  
kingunerisaanik pisassiissutinik agguaasarneq pillugu § 37-ikkut apeqqutit  
nr. 122-2012-imut akissutit.**

18. maj 2012  
Suliapnr. 2012-065860  
All.Upp.Nr. 903139

Postboks 269  
3900 Nuuk  
Oqa. (+299) 34 50 00  
Allak (+299) 34 63 55  
E-mail: apnn@nanoq.gl  
www.nanoq.gl

Inatsisartut suleriaasianni § 37, imm. 1 naapertorlugu sinerissamut qanittumi qalerallinniarnermut tunngasunik apeqqutinik saqqummiussisimavutit. Apeqqutit uannut akisassanngorlugit innersuussutigineqarsimapput.

**Apeqqut siulleq.**

*”Aalisariutaatillit ingerlariaqqinnissaminut periarfissaaruttut  
pisassakippallaarnertik pissutigalugu qanoq Naalakkersuisunik  
ikiorserniarneqarpat?”*

**Apeqqummut siullermut akissut.**

Erseqqissassavara utaqqiisaagallartumik pisassiissutinik agguaaneq akuersissummik piginnittup qalerallinnik ukiumut aalisartagaanit tunngaveqarmata, tassa angallammik 6 miiteri sinnerlugu angissusilimmit imaluunniit qimussimik aalisarneqarsimasut piffissami u. 1. januar 2009-miit u. 31. december 2011-mut tunngaviummata. Taamaasilluni pisassiissutinik agguaanerup aalisartut piffissami ukiuni pingasuni ukiumut piviusumik aalisarsimasaat ersersippaat. Pisassiissutit annikippallaarnersut, maannakkorpiaq nalilersorniannigilara, tassami pisassiissutinik agguaasarnermut naammagittaalliutit suliarineqareerpata, pisassiissutinik agguaasarnertit utaqqiisaagallartut ulloq 1. juli 2012 aalajangiiffigineqassapput imaluunniit tamatumata kingorna piaartumik.

**Apeqqutit 2 aamma 3.**

*”Aningaasatigut ikiorserneqarnissaannik periarfissaqarpa?”  
”Siuliani apeqqut naaggaarneqassappat, akiligassanik  
annikillisaavigineqarsinnaanerannik ikiorserneqarsinnaappat?”*

**Apeqqutinut 2 aamma 3-mut akissutit.**

Aningaasaqarnikkut tapiissutinik tunniussissalluni periarfissaqanngilaq, kisiannili erseqqissarneqassaaq aalisartut 6 miiterinit anginerusunik angallatillit pisassiissutinik pigisanik pissarsisut, pigisanik nalilinnik agguagarsimmata, tuniniarsinnaasaminnik, taarsigassarsiaminut qularnaveeqqutigisinnaasaminnik, kingornussinnaasaminnilluunniit. Taamaattumik pisassiissutit pigisat taakku aningaasaqarnikkut naleqarput, aningaasaqarnikkut pisussaaffeqarfinnik annikillisaanermut atorneqarsinnaasut.

**Apeqqutit sisamaat.**

*”Aammattaaq angallatinut 6 meterinit annerusunut atatillugu pisassat agguataarsimaneri paaserusuppakka,*

- a) 1 kg-miut 5 tons tikillugu annertussusilinnik akuersissutit qanoq amerlatigisut tunniunneqarpat?*
- b) 5 tons-imit 10 tons tikillugu annertussusilinnik akuersissutit qanoq amerlatigisut tunniunneqarpat?*
- c) 10 tonsimit 20 tons tikillugu annertussusilinnik akuersissutit qanoq amerlatigisut tunniunneqarpat?*
- d) 20 tonsimit 30 tons tikillugu annertussusilinnik akuersissutit qanoq amerlatigisut tunniunneqarpat?*
- e) 30 tonsimit 50 tons tikillugu annertussusilinnik akuersissutit qanoq amerlatigisut tunniunneqarpat?*
- f) 50 tonsimit 80 tons tikillugu annertussusilinnik akuersissutit qanoq amerlatigisut tunniunneqarpat?*
- g) 80 tonsimit 100 tons tikillugu annertussusilinnik akuersissutit qanoq amerlatigisut tunniunneqarpat?*
- h) 100 tonsimit 150 tons tikillugu annertussusilinnik akuersissutit qanoq amerlatigisut tunniunneqarpat?*
- i) 150 tonsimit 200 tons tikillugu annertussusilinnik akuersissutit qanoq amerlatigisut tunniunneqarpat?*
- j) 200 tons sinnerlugu annertussusilinnik akuersissutit qanoq amerlatigisut tunniunneqarpat?”*

**Apeqqutit sisamaannut akissutit.**

Apeqqutit sisamaannut atatillugu ilisimatitsissutigisinnaavara, tassa angallatinut 6 miiteri sinnerlugu angissusilinnut pisassiissutinik agguassineq imatut isikkoqarmat:

- a)** Angallatit 15-it akuersissutinik 1 kiilumiit 5 tonsit akornanni pisassiissutitalinnik tunineqarput.
- b)** Angallatit 10-it akuersissutinik 5 tonsiniit 10 tonsit akornanni pisassiissutitalinnik tunineqarput.
- c)** Angallatit 20-it akuersissutinik 10 tonsiniit 20 tonsit akornanni pisassiissutitalinnik tunineqarput.
- d)** Angallatit 26-it akuersissutinik 20 tonsiniit 30 tonsit akornanni pisassiissutitalinnik tunineqarput.
- e)** Angallatit 27-it akuersissutinik 30 tonsiniit 50 tonsit akornanni pisassiissutitalinnik tunineqarput.
- f)** Angallatit 26-it akuersissutinik 50 tonsiniit 80 tonsit akornanni pisassiissutitalinnik tunineqarput.
- g)** Angallatit 17-it akuersissutinik 80 tonsiniit 100 tonsit akornanni pisassiissutitalinnik tunineqarput.
- h)** Angallatit 18-it akuersissutinik 100 tonsiniit 150 tonsit akornanni pisassiissutitalinnik tunineqarput.

- i) Angallatit 5-it akuersissutinik 150 tonsiniit 200 tonsit akornanni pisassiissutitalinnik tunineqarput.
- j) Angallatit 3-sut akuersissutinik pisassiissutitalinnillu 200 tonsit sinnerlugit tunineqarput.

Taakku soorlu siusinnerusukkut oqaatigineqartutuut utaqqiisaagallartuupput, inaarutaasumillu ulloq 1. juli 2012 aalajangiiffigineqassallutik imaluunniit tamatuma kingorna piaarnerpaamik.

Inussiarnersumik inuulluaqqusillunga

Ane Hansen